



**Sayni alsa 2011**

**ESQXDD**

## 1. Afti canqara.

Kaafa ed nane waqhti caalam afaadadah inki doodah idhdha ed tekke waqhte kinni. wuli nukurulle takkem wuli nukur akkanih guftamhi sabbatah, xiyawti barhih aniinadde naba badale kee afaadad yumbulluweh yane. Ishi caredde tekkeh awlih dikil aye tekke, yamiite waqhtedde tacussubemih aye tane, tiyaako ed sucutinnaxa muddadde kinni naninom. Amaye balih, xiyaa ishi fadhi taylaggoo kee maaxiyoh marto makaanooko makaano, ishi farhi balih tatxarrako kee xaqqi umman galle balih akah agaagiteh marto mango gixlo abta, abtamih mawco lel ishi aniina tiysibiteh maaxiyoh marta.

*margada, kalxit munaadil, nabba Ibraahim Idriis*



Ta rumma nasaybato nanu eritriyah saahot qawmiyak, yengele umman beeno le dufladde geytimna. Eritriyalle ni dikille wayne xaqqe nadabbo dhaacimtoh/ caagoh makim nifhimeh lel ni ummat-hi erecto xukukuno, barkee lellecih tengele dufladde nane.

Eritriyah saahot qoomiyah xurriyaakee dimokraasiti danbar lel ta selo yaysabato, saahot dhayloh askaahal (mobilization) hido agagsa yeynebeh, umman nukurulle ifaareh, ishi ummat-hi xaqqeh amraraddi yane. Araxadde taseedefe tikib kee sibsib ko ishi firoytaa kee macaatooko takko amlalakkekkah lel tayko yigrirah lamma lakah sooleh cangeelih nif kee nifih andufuli geytima. Tayi lel umman saahot barhih gide kinamhi sabbatah hayanta ninni xaqqe ninni duflah nadabbo yarhxe. Osah lel umman saahoyti barhi, tama sayni 7-9,2011 yekke rakhbeeko lakal tillaabe qaraar abitodde ashisho eritriyalle salaam kee maaxiyoh ed nam nabarre buhuluh yandafalo edda.

Ku biyaake ufufaako ishieh teydeeweh maarhige, ku idhdhadde, kum koh tadabbo tardem matane. Amaye kinam hi sabbatah, nanu baathil baacil kin jabhat shacbiyati filcoh egelitem kinom hi zacabah, gar-hitekkah, ninni xelwaahi xalli nigabadde yanem neerhegih ellee-elle anniinanill, ninni duflaahi selo sariigalla

geyto hurtaakeh, ni erecto tagbideh, ed nane kobbaako gibid irked saynamko, cargayni xibar lel ni-ummat-hi erectol ancaasa marih cangiinooko selinneh sitta xatno lel ed nane buhul noh warisha. Busa akkekkah abno eddamah iggidama taykiyo nokkay tane. Ninni magraah lel inki tikloh inki canqarah, inki maacatolle ninni dhicidde aalliinan beeda ninni ummatko suumannamko lel amaanatishna.

## 2 Malammit ESQXDD ti rakhbi aagina kii yine

Eritriyah ummat 30 iggidiya, sinni xaqqih goronuh aben dufla, 1991 dikti xurriya geytimto kiyah, ni ummat-hi farhi barheerha kin shacbiyaati filci ummat bukalle gaxeenih eritriyah ummatalle loyto tanta erecto oobisha cambaaleenih yanin. Xurriyaako malammit lallecko erherhisha saahot ummat-hi bukalle fertoh mango beeno le cazaab ooba sugeh yane higdef gabah. Tay tube saahot dhaylo lel ummat nix kee qeema ed dhamteh higdef- ed teeceteh tane sahoot xaqqe yadabboona, dufla erherhisheenih tayko kaafa umman ginale dufla abaa yanin. Tayehi mawcoh 2009 yekke afti tanziiim rakhbeeko mango sariigalla geytimtemko leddeh, kaado yakkeede malammit tanziiim rakhbe sarigalla gomo dhiice. Tarke gufo dhiicemih lel umman saahot ummatak bukaako, fertoh lel dooba kee dufla-abeenitik unqac xedenteeni, arhxi, ta tanziiim yibbirheh yane selo sariigalla geyto aba yanini tsoomacti yossookote. Ta tanziiim malammit rakhbi dufla abeenit kee macaskaraatko temeete tanziiim doobit, deeco akah tekke gerha elgeytimeelle sayni 7-aykee 9- 2011 ,dhagan yonkototeye.

Dhaxiine askataataati lujna ishi xagara erherhishshemko lakal randa caadat



*askataataati lujna afti lakkot saahot afah*

filci, saahot bukal ooba tane erecto caddossa kitaabinnat nashayith, horra, cadarah iggidam kab ishshe. Basoohit dufla abeena, margada, *nabba*, Ibraahim Idriis Abdu tekette rakhbeenitih *sin faylishaa kanek yoobbantaye cangi forxat nakkek sacul nakkowa* ayih lel boorhalle oobe,

Askataataati lujnah nabatiya afti fakkot axayi  
*Xishmale ni Tanziimih manaboyta*  
*Xishmale ni Tanziimhi zooba kee Dufla abeenit*  
*Xishmale deeco akah tekke gerhaXishmale Barmale kin tanaazimti*  
*Wokoola*

Ni deeco teynebeenih malammit ni tanziimih rakhbel geytimteenimih tanziim malammit muctamarti lujnah migacalle mangum sin cawata.

ESQXDD tillable waqhtedde kaa aseedefi sugte temfeleele ginalle waqhaaqhac ko tillaabeh abittoh caskariyaati gaboo ko yakko diplomasiyyati gabooko mango taro yedeh geytima. Yakko kiyah iro kee adda ko kaa yeseedefe waqhaaqhacih sabbatah fantit lujna tillabte makawanit katattayta akkottalle tanziim addalle yine waqhaaqhac meceetih adooddim ko tublemik sarrah ta waqhaaqhac hi xalli udhurh waqhtih adadde muctamar yakko fantit lujna sitta elgeyte. Tayek sarrah fantit lujna tanziimih malammit muctamarti asqharaarabti lujna dhishshe.



Sayni alsa 2011

ESQXDD

Tayek ugut abah lel tanziimih malammit muctamarti asqaraarabti lujna akah temxowwe cilish mas-uliya kee shoqhli xadiilo astuqhuli sugtek sarrah ta muctamar sariigallah yaktamo kaado madneh nane xaddo guddusseh geytimta.

tanziim Malammit muctamarti lujna ta ni tanziimhi malammit muctamar sareegallah gommiimo ishi gide abte nitanziimhi zooba, dufla abeenit, ni tanziimih barmale kin tanaazim kee Etiyopiyaati shacbe kee doolah tanziim malammit muctamarti asqaraarabti lujnah migacalle ten cafada.

*Sariigalla malammit nitanziimhi muctamarah!*



*ni Tanziimhi Malammit muctamarti asqaararabti lujna.*

*Sayni 07/2011*

### 3. kuxayishshole xarha xaaweeko tammidhdhige

Eritriyah xurriyah 30 iggidiya tekke duflaako lakal, umman eritriyah ummat balih saaho salaam kee maaxiyoh dhinto naba niya lii yine. Yakko kiyah yanguli yabbirhendah yaxinkishe yaanama balih, ayke asmara orobemko leddelle ummat beelaa kee erecto urayi yeh yibbirhe.

To gedda umman ginale zulmeh egelitte ummat fertoh lel saaho ta kobbaako ed tawce arax gorinishsho laazim kii yine. Ta xelwaah yakke xalli difeenalle tekkeh yamiite tiya hido xalle fadhdhemhi sabbatah muntsuciyaako geytima tiya makim terhege ummat, ifanih ko ishi magraa kee maaxiyo akah taysabato dhictamah higgid eded wagiite. Tayko



*ESDA ti wakill assayid Shinash*

Sayni alsa 2011

ESQXDD

lel ishi gondoh xalle bahto mahzabah gaxteh andufuli geytimta. Ta ukuum ayi erhedhdhe dufla kaafa tefeededeh kaafa naba daraja gufteh geytimta. Tayim tube baathil baacil kee ummat qeema alliinnaxa, aggar magraa tayshukumem, saahot ummat-hi arar dharhaasa, gufan-ikke malen yeenih, ta tanziim andafishoona sinneh dhicidde loonim aboona kiyah, ta tanziim ishi macaatooko amlalakkekkah, sariigall le malammit rakhbe, afti rakhbeeti amaamosuh sayni7-9 2011 tenketeete.

Ta rakhbelle tine agle, sitaahi garaa, niya rummah beera saahot magraa dimokraasiyaati araxah agaagishsho, saahot inkiino dadalishsho, ugutem kinam ta yekke rakhbed yengele ti caddooso dhiica. Wuliili ricid maliila yaanam kee soonitaanam balih akkekkah,ESQXDD ufayi xewantiiko barii yekkey, umman eritriyalle rigidko badali yamaato tandufule maraalih, ishi ummat-hi xaqqeh tengele dufla abaa sugeyya yiyfiddineh amaamoso kinam, caddoose.

Amay kinamhi sabbatah lel ta kaafa borrowa tane xarhah darooko inkoh ak xayinno negeleh ninni xaqqeh nandafalo.

#### 4.ware

Sayni malxini h erherhe ESQXDD ti rahkbi sariballah goommime. Ta rakhbelle tanziim doobi tengelyya tillabtem yiqqiyyiminih niiroh takke xagara inkiide fiirishen. Aykee mddaxit tanziim rakhbe dhagan yakhdume siyaasat xagaraakee qaanuun sinni dhawuh yisibitiinimko lakal sinni fanko dimokraasiti araxah 21 sanitisheenit ko kee 5 dhebeberhtaati lujnaako dooren.

Ta rakhbelle geytimte barmale kin eritriyah kunaamat xurriyat xaraka kee eritriyah sawrat dimokraasiti ascassab tanaaziim, ESQXDD yiqirrireh yane sarigallah abo len niya caddoosa, kaa masangaledde gaxeenih xatiimona kinoonimh ahde sayen. Amay bali eritriyah dimokrasiiti

inkettinot dambar ta rakhbi sarigallah gommimemih, inkoh saahot ummat kee cadli goronuh aban dufla xatta xaqqi baacilik unqac xedenteeni yerhxejn.



*EKDXX ti wakil assayid Amaaniel*

## **Kaado yakkeedo saahot dhayloh bukal yakke liyaati beela amaamoosa**

Sayni 11, 2011, caddi qayyih madiinaa, amay balih qooxaytoo kee kaaribossalle jabhat shacbiyaati nizaam 8 xiyawto inki baradde qabix laxah beyenim addat ni raxeenit yesxessin.

Ta awwalah yeyleyyin sacul balih qabic laxah yeyleyyin saahot dahaylo, higdef erectoh diddeh saahot ummatah cadaddam kee ummat fanalle maabbo le akan xiyaw kinoonim kee edraden-irke ak matamidhdhigem, addat ni wari raxeenit oseenih caddoosen.

Addat ni raxeenit osah jabhat shac biyaati nizaam ishi sulthah cumre yaydhaarho ummat dhaw dhiisha dikti naba maraa kee maarhagit amay balih ummat carha kinon akan saahot dhayloh liyaa fidinih amaamoosa yanem yakkeedo niraaxenit yesxessin.

Ta sayni 11, 2011 qabic laxah teleyye xiyaahi migoc ni gufeh yane, yakko kiyah ni wari raxeenitti maaxiyoh ayi xusekkah ak tillaaba nanemih nol mabbarhina.



*rakhbeenit siyaasat xagara aysibiti*

5.cadar.....

Shabaabo afcadde  
Kalaashin nibbirheh newce difaacadde  
Isheh yalli ednixato HIGDEF hadanodde  
Nishacul nok raacen uma xukmi addadde  
Baarho cashsho dhalta  
Caran xutuk dhala  
Eitriyal tane gabbaake dataala  
Alle ractem male baarraake cajala  
Mandar badd ti mina  
Ayidhdho basak tarhxe kalxit nicinrhiina  
Walaadi noktane xisaabadde dhiina  
Inshaallah tillabto raja magracina  
Bar le dhawurhodde  
Itre le gerhodde  
Nishacab noktane diteeke zulmedde  
Zumeeke neyyeceh hayno kinni afadde  
Aaginah asseeni nitublih nitoobbem  
Dhin nolle miyaxaye isaayas nok abem  
Nabbobo afcadde  
Dhaaco nanino dufladde  
Inshaallah garayno dhayeko dhaye saacdde  
Saahot cinrha maso



rakhbeenit siyaasat xagaraal zatteya

Sayni alsa 2011

ESQXDD



*rakhbeenit sirredde doora*

*doorot sanduqh*

Nninni baarhoohi walwal dhaxii  
neekke kaso  
Isayas marhiina nibaarho yawraso  
Kambih miyawrise ishi cumredde oso  
Kaa shuqhledge nane dhaxiineekke kaso  
Nibaarho anrhaarhaakee cadeela  
Nisaanishak yane sariida oolala

## *Randa caadat filci aymangada kab-ishah*



# Faalale

barhsime thabce

Xukmi elle miyane xukme hin dik beela  
Inki waqhte naabbo ni shacab hi farto  
Zabaano egerto hayanta uguta higdefille nardo  
Yimas kiinnishale yane ubula kaa marto  
Nishacul agiira  
Sinni xaqqel raben dhiicot ten qabuura  
Inkitena makin amanta nuu-ubula

Baarhot xuurul cayni  
Nidaalah newcemih kala ni toobbini  
Rabte ni shaculu inkoh vitamiini  
Nibaarho dahaba  
Ninni xaqqe wayne ak marhinna ziraba  
I ski nazakkaro isiyas kazzaaba  
Usuk akah maram inkoh ziraba  
Mango zulmi yane eritriyah addadde  
Xaqqe zidhdhiima tii baarhot rigididde  
Zirab zidhdhiimati yaceeshe nagaadde  
Taxiyawhi essero kok tane lakadde  
Dagum maxkamito asmarat addadde

Dufla- abeena  
**Rubrubiya**



Randa caadat filco

*dorshishsha lujna lowaa*

## 6.gomeena

### Malammit Eritriyat Saahot Qwmiyah Xurriyat Dimokraasiiti Dambar 2t Rahkbeeti Goomeenat Caddos

Qoomiyat tanziim ESQXDD katattayta makawwanit akottalle afita rakhbe abo yixiggireh, ta rakhbe taskotootoye lujna lel dhishe. Ta lujna akah tomxowwe xagarah, takkem abto fadhshisha ankataata abtemko leddele tayko sariigalla le rakhbe abto dhicte.

Ta rakhbi, itiyobbiyalle geytima duleenitti macaskaraatko temeete tanziim doobit, dufla abeenit, amay balih deeco akah tekke gedhi, el geytimenille salus sayni 7 2011 fakkiite. Tengele rakhbeenit afti tanziim rakhbeeko lakal yumbulluwe afaadad yiqiyyimih, yine andafof kee tanto lel andoodimih yubliinimko lakal, aykee 3t rakhbe fan yakhdume tanziim siyaasat xagara kee qaanun, mango cadadeeke mabbalooko sarrah yiysibitin. 21 zoobaako le fantit santosti lujnaa kee 5 zoobako le rhawdhot komishin dimokraasiiti araxah dooren.



*rakhbeenit tanziim siyaasat zagaraal mabbalowa*

Fidin duflat fadhi ed tumbulluwe malammit ESQXDD ti rakhbi, tama eritriyal yane higdef nizaam gilxisha, ta akki tane dimokraasiti duflah lel banziin osa saadif kinam ukuum ayih timidhdhigeme kii tine.

Eritriyalle umman qoomiyat xaqqe dahwrha, federaliyaati nizaam yatkiliinim, eritriyat ummat lel ishi addadde maxiyookee sanayeh ed yamnaabarro dhiica buhuul kee dimokraasi el yicshile eritriyah tiklo yaysibiitnim, kaddih manaafu gufekkah tannawo kiyah, racteh tanem umman xibar le wado/beeda essertam kinamhi

Sayni alsa 2011

ESQXDD

zacabah, ni duflahi afi tanaboo kee ni sawraahi dhic yagraro namraraddo nol tanem rakhbelle tumbulluwem kii tine.

Ummanimille rakhbeenit addoodimih cadadeenih mabbalowenimko lakal, ta nimmat-hi selo sarigalla geyto tenko fadhshishsham aboona gulguluh yaniinim cadoosen.

Aki ginah ta 2t ESQXDD rakhbi edde akke yane uddur, ni tanziiimti rakhbeeko barhsah boorhalle yewceh, fidin ciskiriyaa kee poropagandaati sariigalla edgiyaa yane ged kee cindhaaneytaa kee say maraati agle edtenebe, aki ginah lel eritriyat ummat-hi erecto ed agbidi, amay balih caalamalle bukaako lel ni wakalle fertoh, badali ed ambulluwi yane waqhte kinamhi sabbatah fidin ummat agleh dhish takke dufla yaynabiinim, ed farhshishsha buhuulud nanem rakhbi (muctamar) fidinih yuble.

Ni tanziiim ESQXDD kaado dhagan mago beeno le irookee adaako temeete cangiinooko tabeh ta sarigalla le rakhbe gomo dhiicemih cafad edde assaabbi, inkoh ta nanu cadli goronuh abna dufla xata maraakee qaxantoolitik unqac xeddene yarhxe. Xelwaayiteh yane ni ummat saahok lel, tayko maaxiyot waxwaxeyti ifisha,



qoomoyat dimokraasiti tanziiim yitkiliyya lamma lakah soolisheh, ishi duflat kalo yoyfiddigeh yaneme yaybissire.

Ta rakhbelle yomxowwe qaraar sarigalla geyo inkiddehi tengele dufla takko inkidde aysibiti rhaye waqhtedde yakko yimxiggireh yane, ardi rakhbi dimokraaiti badaleh sarigallah yankataatawo le niya caddoosa, ishi dhicille kaako fadhshishshamah iggidinam abo kinamah elfiirisha takataya taqhriir tillaase.

1. ESQXDD umman caalamti nukurulle geytimta saahot dhayloo kee kaa cadli duflah xateenit kee cadli baacil kin dikti dhaylok, nidufladde len ilaaciminnexe gide qalbed haa, barhsime dahani akah yomxowweh, sinni askaahal yaysarawoona 2t rakhbi yiqirre.
2. ESQXDD 2010 dimokraasiiti badaleh yekke dikti araba/aseena, sarigalla geyto lii yine gide assokooti, kaado yakkeedo dikti rakhbei sarigalla giyo dikti komishin lih xattishimo kaako fadhshishsham abo kine yiqirre.



*randa eritriyal yane zulme  
caddossa aymangada kab-isha*

yacdhietiya akkekkah, ESQXDD umman badali eritriyat quwwaalih bukaako eritriyah qoomiyamti dimokrasiiiti danbarlih fertoh tengele dufla abo yiqirre. Abayshimalle, afko komma fanah ta ni tanziimhi rakhbedde tenge barmale kin eritriyat kunamat dimokrasiiiti xurriyat xaraka kee eritriyah dimokraasiti Sawrat ascassab, aykee nirakhbi bakitandah higdef niuummat-hi bukalle oobisha yane qoomiyat erecto caddossa dufla tharbatsishsha kitaabinnat nashaatha randa caadat filcoh kabteyya afcaadooko cawata.

*ngele duflah ni qoomiyah xaqqee kee leemino nadabbo kino. 2t ESQXDD*

3 . 2t ESQXDD tanziime rakhbi eritriyal yane nizaam, ula ulah takke duflah

sariigallah gommime rakhbeh cafadde shabaab

Tengele duflah ni-ummat-hi saqqee kee  
agagta naysabato kino!!



sariigalla saqqee kee caadi gorumuh abna duflah



*shohodat*

*xunsus*

**Nim noyyah**